

Livio Morosin

E, Moj Bobi (balada O Psu)

E, moj Bobi
ki je tu brek, a ki covik
kemu gre grdo, a kemu je zivot lip

E, moj Bobi
ti svit je skroz ´zgorija
magari, nikad pametan ni ni bija

E, moj Bobi
da je mene ki kad
ter kad tako pogladi´
i ja bin se po zem´ji taka´

Da taka´, i z repon bi maha´
mojoj srici ne bi bilo kraja
i ja bin, Bobi moj, tu i tamo zalaja´

Ma gle´j ti svit ca dela
a kapuz gre se vise
tu spasa, Bobi, nima
aj, grda nan se, grda, pise

E, moj Bobi, ne znan
´ko bin se smija´, ´ko bin plaka´
´ko bin, kako ovca bleja´
´ko bin, kako tovar njaka´

E, moj Bobi, i ova zala, bo
ce jedan dan pasati
i ja cu, Bobi, jopet kantati

Ma, gle´j ti svit ca dela
a kapuz gre se vise
tu spasa, Bobi, nima
aj, grda, grda nan se pise

E, moj Bobi, kad ti rat fini
forsi ne budemo pametniji
ali cemo biti je´nu mrvicu stariji